

## Universitätsbibliothek Paderborn

**Westphalia Sancta, Beata Et Pia, Sive Vitæ Eorum Qui sua  
sanctitate et piis exemplis Westphaliam illustrârunt**

Complectens eorum vitas, qui certò aut verisimiliter Natione Westphali  
reperiuntur cum titulo Sancti aut Beati

**Strunck, Michael**

**Neuhusii, 1715**

Hadwigis Virgo Sancta, olim in Praemonstratensi Virginum coenobio intra  
Capenbergam Priorissa

**urn:nbn:de:hbz:466:1-28481**

# HADWIGIS Virgo

Olim in Præmonstratensi Virginum Cœnobio infra Capenbergam Priorissa.

**D**E hac Sancta & multis olim miraculis illustrata Virgine nihil aliud hucusque ad manum venit, quām quod in Commentario prævio ad vitam B. Godefridi Comitis Capenbergensis refert Gamantius [a] apud Bollandum to. I. Januarii : „Soror quoque, inquit, B. Godefridi Beatrix in eodem Præmonstratensi Virginū cœnobio ad Capenbergæ pedem cum cognata sua Alheide, Comitissa de Oldenborg sub sancta Virgine Hadwigie Priorissa, quæ multis claruisse fertur miraculis, in religiosa disciplina & sanctitate omnem vitam traduxit... Quale autem hoc vitæ genus fuerit, quām districtus rigor, quæ austерitas vietūs vestiūmque in ejusmodi puellarum cœnobii olim observata sint, è veterib⁹ tabulis monumētisq; clarè describit Joannes le Paige in sua Præmonstratensi Bibliotheca l. 1. c. 19. pag. 352. Ut enim taceam perpetuam carnium imò & lacticiniorum abstinentiam, ad quam initio totus ordo severissimis legibus adstrictus erat, fœminis vir-

I 4.

gini-

[a] §. 13. n. 67.

ginib[us]q[ue]; Deo semel perfecte consecratis  
 nunquam licebat vel ad momentum tempo-  
 ris monasterio egredi; non aliis vestibus  
 quam quæ ex lana aut pellibus ovinis con-  
 textæ essent, corpus amicire; non velum se-  
 ricum, sed vilissimos duntaxat panniculos te-  
 gendo capiti adhibere; viro denique nulli,  
 ne fratri quidem aut consanguineo, etiam  
 cum necessitas postulabat, colloquendi po-  
 testatem facere, nisi intus Moniales adhuc  
 geminæ, foris autem duo fratres laici ad cla-  
 thros præstò essent. Exstant adhuc aliqua  
 Virgini hujus cœnobii, vetusta rudera adra-  
 dicem montis Capenbergici; veròq[ue] simile  
 est, cum post obitum S. Norberti [b] in capi-  
 tulo generali sanciretur, ut Monialium clau-  
 stra in posterum ab Ecclesiis Canonicorum  
 remotiora fierent, etiam cœnوبium istud ab  
 antiquis sedibus avulsum esse, translatumq[ue]  
 Wesalam extra muros ad eum locum, cui  
 quondam alto Monasterio nomen erat, vul-  
 go das hohe Cloister. Et certè non dubiam  
 huic opinioni fidem faciunt ea, quæ de istius  
 monasterii fundatione referunt Brunus to. 4  
 Theatri urbium, Bertius l. 3. Rerum Germa-  
 nic. ac denique Chronicon manuscriptum

Cli-

[b] Sub ejus Successore B, Hungone. Le Paige loc. cit.

Cliviae, ubi Arnoldo 17mb Comite [c] ita legitur : *Quo tempore Godefridus & Otto Comites de Capenberg è castro eorum Capenberg ejusdem Ordinis (Præmonstratensis) Abbatiam instituerunt ; aliud quoque Virginum Monasterium extramuros Wesalia super Lippiam condiderunt.* Verùm & illud pariter annis posterioribus , quâ injuriâ belligum temporumve penitus eversum est , exindeq; Virgines hæ majoris forsan securitatis gratiâ commigrarunt intra urbem , ubi adhuc resident [d] jam Canonici sæculares.

## B. HATHUMARUS,

vel ut alii ,

## HADUMARIUS

Primus Episcopus Paderbornensis.

Refertur cum titulo Sancti à Petro Cratepoleo in Catal. omnium totius prope orbis Episcop. Brusio in Catal. Episc. Paderborn. Beyerlinck in theat. vie. hum. lit. E. pag. 192. Beatus etiam appellatur non solum à Nicolao Schaten to. I. Annal. & in vita B. Meinuverci apud Papebrochium in actis Ss. to. I. lunii; sed etiam in serie Episcoporum Paderborn. anno 1688 edita , & synodis sub Antistite Hermanno Wernerò habitis apponi

I S

jussa.